

儀式

三

第七
五
冊

津田文庫
文庫 1
1870
3



儀式卷第五



東京帝國大學
圖書消印之

正月八日講最勝王經儀

鎮魂祭儀



新嘗會儀

五節舞儀

二季晦日御贖儀

大祓儀

九月十日奉伊勢大神宮幣儀

奏御卜儀

讓國儀

天皇即位儀

立皇后儀

立皇太子儀

正月八日講最勝王經儀

十四日儀准之

前一日所司裝東太極殿東階上北進二許丈
更西折一許丈北面設皇太子座南去一許丈
親王以下參議以上座北面西上西二許丈設王四
位五位座北面東上與殿堂東西廉堂童子五
位座其後五許尺同六位以下座其末行香座
並以南為上東方東側戶外少北喚使座南面西上
其後三許尺執淨履雜掌座各以淨履納折櫃
王四位以下及堂龍尾道東西階上以內左右
童子雜掌執之

1870-3

相分敷雅樂寮座昭訓門壇上西去一許丈設
四位五位座壁下外記官吏式部丞錄彈正忠
疏座少南式部彈正史生座並西面北上少南
省掌臺掌座北面西上光範門南設四位五位
式部丞錄巡察彈正忠疏座亦准此當日昧旦
外記史式部彈正左右相分列立庭中外記史
並東列
式部丞錄史生省掌西面北上彈正忠疏史生
臺掌在南北面西上西列式部丞錄史生省掌
東面北上彈正忠疏于時皇太子自昭訓門經
史生臺掌北面東上

三

殿東橫廊就座若皇太子遲留群官就座皇太子到起座就座之後共居次

親王以下五位以上參議以上自昭訓門東面就左四位以下自永陽廣

義門就東西六位以下相升自龍尾道東西階

省掌立階下稱容止升階畢分起升自永陽廣

義兩門南階經蒼龍白虎兩樓南廉更北折趨

就座治部玄蕃及左右衆僧前六位前行相分五位次之

引衆僧廊講讀師亦同威儀師各一人當中列

道在前衆僧次之出自東福西華兩門南行至

龍尾道東西階頭更折東西相對而進殿東西

階更折北行不到殿階四許丈前行六位共留

五位進一許丈亦留威儀師引衆僧升殿就座

訖前行者各歸去如來儀次講讀師前行者左

右相分列進各居小輿其擔丁着緝衣袴白布帶用駕輿丁執蓋覆其

上雅樂寮引樂人等在其前且奏至龍尾道雅

樂寮留立座前前行者不至殿階三許丈六位

共留五位進一許丈亦留至階下講讀師下輿

升堂東西相對進レ當佛前更北行就禮版前行者引小輿執蓋等歸却候東福西華兩門以內讀師三拜左右相分就高座于時雅樂寮就座各奏樂一曲左唐樂右高麗諒闇之時撤樂訖明師發聲衆僧左右各十人起就殿南廉座圖書寮雜色生左右各二人先進就花机下次官人各一人就之左西面右東面次堂童子進北面列跪生各一人起取花筥相傳後授官人受之授堂童子堂童子以

次傳授訖堂童子自下起進跪授衆僧初堂童子起畢圖書寮官人率生等各復座訖各復座初明師發聲之時定座沙彌擎焚香火爐共起行道一迴僧綱以下擎香爐共行但明師不起各復殿廉座擎香爐者復本座散花師讚佛號訖圖書寮生并官人進就如上次堂童子進受花筥跪列亦如上以次傳受返置机上訖各復座衆僧亦各座講說已畢前行者率小輿并執蓋等進留如初入儀于時後明初發讀師共下

座就禮版三拜退降就小輿還奏樂亦如入儀
訖咒願三禮共起左右相對咒願在東西進就禮
版共三拜三禮畢圖書雜色生左右各二人進
禮就行香執下官人各一人且就之親王以下
起座進跪列並北面左親王以下參議以上右王四位五位生一人起
取匳傳授官人傳取授行香者以次傳受威儀
師各一人列進依次行香雜色生各二人昇火
爐從之訖行香者就本列以次返匳如初儀各

復座三禮及咒願畢各復座前行者進立庭中
進留如初入儀衆僧依次起座降階歸房皇太子先出
親王以下次之自當日夕講迄十三日夕講只
有堂童子講讀師并衆僧前執蓋等自餘不須
十四日昧旦東西二寺盛雜穀於漆器廿二具
列立南榮楹外左右各十一具中山城國以稻
廿四荷以四束為一荷左右相分列立龍尾道上庭兩
以內去階各一許丈以北掃部寮設年分度者
為上其間相去一許丈

座於延休堂前庭殿東庭東去五許丈木工寮以材木四枚分立四隅掃部寮以長苔一枚迴立東南北三面其內縱敷折薦帖一枚為度者剝頭座自苔少東木工寮縱連立長床二脚其上東面敷兩面端帖四枚為僧綱四人授戒座其前敷折薦一枚為度者來著座自授戒床東去三許丈度者來著座以東與授戒座相對敷列折薦帖三枚長帖二枚為治部輔以下錄以

上玄蕃屬以上座其南敷列折薦帖長帖各一枚為治部玄蕃史生座其南北面敷帖一枚為治部省掌座其前北面敷帖三枚為度者出居座于時僧綱就座治部玄蕃入自通陽門亦就座訖治部史生以度者名簿授錄錄授輔輔命云唱錄稱唯授省掌受起座而立丞命云唱之省掌稱唯唱計戒師授戒訖退出大臣以下就東廊儲所座其間爰設布施座昌福堂上北第

机第一間南面西上設講讀師咒願師座西面
北上僧綱座北面東上衆僧座三重行其後堂
廉年分度者座當佛布施机西東面宣命大夫
座前庭東面北上設大臣以下座其後少納言
辨座其後外記史式部丞以下座其後太政
官辨官式部等史生座其後官掌召使座大
藏省列置施物於含章堂西北庭于時講師以
下出自東福西華兩門南行就昌福堂座式部
丞列立昌福含章兩堂間西面大臣以下參議
已上入自永陽門就前庭座少納言辨入自同
門經昌福堂東更西折趨就座外記史入自同

門經同堂東更西折列式部上相率共趨就座
訖大臣以下共起三拜訖宣命大夫用王臣四
位升從中階就座預候昌福堂南頭宣制云大命再坐
衆大僧等再白佐部詔久正月波常毛人人乃
無暇月再志司人等乃造供養鹿久穢久在可
止奈勞美辱美所念行須又時毛寒在我故再
御被施奉久白左部宣大命乎白衆僧稱唯大
夫退出大藏輔一人丞二人擁布施書於杖趨

鎮魂祭

升自中階送講讀并咒願師諸國朝集使等進
帛布施物置衆僧前訖咒願大臣以下共起一
拜衆僧退大臣以下及宰官以次退出

鎮魂祭儀

十一月 中寅日 中官祭 准此 但東官用己日

其日所司預敷神座於宮內省廳事次大臣以
下座於西舍南少西設辨大夫座其南外記史
座其南太政官及左右史生座共東面 絕席其南少
東官掌北面東舍有座三列北第一間設外記史

式部丞錄座第二間太政官并左右史生式部
史生座第三間官掌省掌座北面 西上西二點大臣
以下就西舍座神祇伯以下率琴師御巫神部
卜部等著榛摺衣令持供神物左右相分入立
庭中神部升自東階置神寶於堂上次帛神机
外御巫從之次神部四人各持琴左右相分升
置堂上神祇五位已上官人升自西階六位以
下升自西側階就座伯以下使部以上東面 南上御巫南面東上次

大膳職造酒司供八代物縫殿寮率媛女升自
東側階就座次內侍令賣御衣匣自大內退出
升自東階就座治部省率雅樂寮歌人歌女等
升自西側階就座訖大臣出自西舍升自西側
階就座喚召使二聲召使稱唯趨就版大臣問
阿誰召使稱姓名大臣宣喚式部召使稱唯趨
出立南外喚之丞已上一人入就版位大臣問
阿誰丞稱官姓名大臣宣奉入刀禰丞稱唯出

復本列仰云令奉入刀禰錄稱唯喚省掌名省
掌稱唯錄仰云奉入刀禰省掌稱唯少進云大
夫等叅拜五位以上先入就堂上座外記史率
史生官掌等出自西舍立於屏下待式部省相
引入就東舍座訖大臣喚召使二音召使稱唯
趨版大臣問阿誰召使稱姓名大臣宣喚大藏
省召使稱唯退出喚之丞稱唯進就版大臣問
阿誰丞稱官姓名大臣宣賜鬢木綿丞稱唯退

丞率錄史生藏部等實木綿於管入先賜神祇
官人次丞賜大臣錄賜五位已上次史生賜判
官以下主典已上藏部賜史生以下主典已上安藝木綿
史生已下凡木綿訖神祇伯喚琴師名二人共稱唯次
喚笛工名二人共稱唯伯命琴笛相和詞云美許登再
布曳安波世四人共稱唯先吹笛一曲次調琴聲訖
琴師彈弦與神部共歌二成次雅樂歌人同音
歌二成神部一人候拍子御巫始舞每舞巫部

譽舞三廻譽云奈遙大藏錄以安藝木綿二枚實
於管中進置伯前御巫覆宇氣槽立其上以梓
撞槽每十度畢伯結木綿鬢訖御巫舞訖次諸
御巫媛女舞畢次官內丞一人次侍從二人次
內舍人二人次大舍人二人舞訖復本座辨大
夫喚官掌二音官掌稱唯趨就版大夫問阿誰
官掌稱姓名辨大夫命喚官內省官掌稱唯退
喚二音丞稱唯就版辨大夫問阿誰丞稱官姓

新嘗會
豐樂殿
裝飾

名辨大夫命御飯早速令賜丞稱唯退出喚膳
部五六人共稱唯丞仰云賜御飯膳部共稱唯
大膳進屬以下共起賜神祇官次大臣以下訖
大膳進就版申云御飯賜畢共拍手三度先後
稱唯
觴三行亦拍手一度不稱訖各退出
新嘗會儀若有朔且冬至便行叙位
前一日所司裝飾豐樂院構舞臺於庭前自殿南階
去十一丈七尺高三尺方六丈設樂人幄於舞臺東南角南去八許

大東去二許丈高御座東第二間設皇太子座西面第三
四間少南大齋參議以上座南北面南廂小齋
參議以上北面西上自大齋參議顯陽羨歡兩堂
五位以上座觀德明義兩堂六位已下座式部
丞率史生省掌等立標自顯陽堂北第四柱西
親王標次大臣標次大納言標次中納言標次
位參議王四位參議少退在此列次臣四位參
議標次王四位標次五位標又自羨歡堂北第
四柱東去十五丈南折七丈五尺王四位五位
標次臣四位標次五位已下標又當觀德堂第三柱
西去十五丈立六位已下標自明義堂東去及

當柱亦准此蓋以一丈三尺為間 當日寅刻掃部寮設式部輔

以下省掌以上座於興禮門以西壇上南面輔

以下就座點檢五位以上平日掃部寮敷調薦

於舞臺上內藏寮以兩面敷薦上鐵為鎮子次

中務省舞臺以北四丈置宣命版南去一丈許

置尋常版先是皇帝廻自神嘉殿祭御殿訖大

齋相替退出大齋入自日華月華兩門所司預

設備御膳并群臣座饌時刻乘輿幸豐樂院清

暑堂諸衛服中儀式部丞錄率史生省掌等東西相

分入自禮成崇賢兩門列立豐樂門以內東列

為上西列以東為上彈正忠疏史生史生省掌相分隨之臺掌等東

西相分列立東西各以北為上式部史生二人

各持大札左右相分進左西面右東面唱計五位以上

稱唯列立左西面重行右東面重行六位以下亦東西相分

列立禮成崇賢兩門外于時乘輿御豐樂殿內

侍置位記筥於大臣之座前即臨東檻喚大臣

皇太子及諸臣着座

若無大臣參議以上得之大臣稱唯到左近陣西頭謝座并自東階就座凡外殿者皆用此階次皇太子并自同階到座東頭西面謝酒就座所司開豐樂儀鸞兩門大臣并殿即開門不闡司二人出自青綺門分必待皇太子就座居逢春門南北掃部寮大臣喚大舍人二聲舍人共稱唯預候逢春門外少納言入自逢春門就版大臣宣喚大夫等少納言稱唯出自儀鸞門東戶立屏幔外而北面喚之親王已下五位以上共

稱唯次六位已下稱唯

小齋先發聲大齋并群臣相兼稱之參議

已上一列入自儀鸞門東戶比至門諸仗共起

次小齋大齋五位已上東西相分參入

小齋用西扉大

齋分東西扉但并神祇官為上式部錄進立屏幔內左右稱容

止親王以下各就標大臣宣侍座親王以下共

稱唯謝座

未入之前造酒正以下預立樽所

訖造酒正把空盞

來授貫首者

謂小齋第一人跪而授之

受之共再拜

造酒正還却三

許丈北親王已下謝酒訖造酒正進跪受復樽面而立

謝酒

所參議已上依次就殿上座次五位已上六位
 已下東西相分就座待參議以上兩三人升殿
 即四位以下依次就座不
 必待參議升畢凡東西堂者諸王五位以上
 及諸臣四位者用第二階餘用第三階訖諸
 仗共居爰式部錄二人左右相分各執大札升
 顯陽兼歡兩堂正五位以上座次次史生等左
 右相分錄諸司六位以下見泰訖內膳司益供
 御膳左右各五人
 人着當色升自中階至第一階而留授采
 女降階趨退初內膳司擎御膳進時近仗起饌

畢乃居群臣亦同訖主膳監益供東宮饌大膳職益
 賜群臣饌一觴之後吉野國栖在儀鸞門外供
 御贄奏歌笛訖大歌別當大夫率歌者泰入就
 座座定奏大歌舞五節若有零兩
 於殿上舞其五節妓一
 行下自西階垂兩敷上南行升臺道引姬四人
 以上兩行在前到舞臺階下東西分坐掃部寮
 預設草
 整於階東西頭舞訖皇太子先避座而立次小齋五位
 以上先避座下階立昇殿者下殿自左近陣南
 三丈更西折一丈西面北

上不升殿者立堂前去堂次大齋親王以下降
一丈大齋親王以下准此
立皇太子先拜舞復座次大臣以下亦拜舞復
座訖治部雅樂率工人等參入奏立歌或有敕
掃部寮立祿臺於庭中大藏省積祿辨大夫奏
祿數其詞云絹若干疋綿若干屯進申于時外
記以見參并祿法文進大臣內記亦進宣命文
大臣惣取而付內侍轉取奉覽畢大臣擇堪宣
命參議已上一人授宣命文受之復座又群臣

宣命

降儀同宣命大夫下殿就版宣制云天皇我詔
旨良万宣大命衆聞賜止宣皇太子稱唯再拜
皇太子先稱唯再拜親王以下次之
更宣云今日波新嘗乃直相
乃豐樂聞食日再在故是以豐黑岐白岐御酒
赤丹乃穗食惠良退止為天奈常毛賜御物賜
波久宣皇太子以下稱唯拜舞訖賜祿六位以
賜小齋人等集宮內省解齋其儀具踐祚
大歌并五節舞儀

大歌并五節舞

當日早旦兵庫寮鼓吹司夫等就大歌所受鉦鼓鐸箕簾運送會所次歌人并琴師笛工等候儀鸞門屏幔外吉野國栖奏歌笛畢別當降自殿東階南行出自儀鸞門東戶東行更西向宣令立臺即大舍人二人著當色牽鐘鐸鼓箕簾四列四人牽之入自同門東戶列立舞臺南相去二許鐸在中鼓在西相去六尺許退出訖掃部寮設床子舞臺東許丈左大歌別當床子鐘鐸南去二許尺各立師床子其南左右相分立御琴師床子各二脚

次設歌人已下床子其訖別當喚之歌人以下共稱唯左右相分行列相去一許丈其次第左彈御琴師二人著紫袍各擊御琴次歌人十三人四人著紫袍并縹九人綠袍次笛工四人擊拍子四人次鐘師一人並當色右彈御琴師二人次歌人十三人服色並一二三鼓師各一人各著當色次擊拍子一人服色次鐸師鼓師各一人著當色立定別當宣喚之共稱唯別當列入自戶彈御琴已下依次入各當

舍人等撤樂器

二季晦日御贖儀

六月十二月

神祇官預前受備其料物鐵偶人卅六枚

金銀粧各

十六枚無飾四枚

木偶人卅四枚御輿形四具挾幣帛

木廿四枚金粧橫刀二口五色薄純各一丈一

尺絲三兩安藝木綿二斤凡木綿一斤麻二斤

庸布二段御衣二領袴二腰被二條鋏四口采

酒各二斗鰻二斤堅魚二斤腊四斤海藻二斤

床子前折而立即鐘鐸鼓師自歌人座邊趨共

就床子訖鐘并鼓師相目撞擊鼓各三下訖別

當以下共就床子訖笛工調擊聲次調御琴空

握御琴三聲

詞云卒奈須可可記

次拍手三度

詞云卒奈天

奏

數曲訖奏五節歌于時儻妓四人一行徐步降

自殿西階經右近陣東頭踏兩行在前至舞臺

階下東西分坐

掃部寮預設草整於階下

舞訖升殿即奏大

直歌本末二度安采四度訖退出如初入儀大

鹽四升水瓮埤坏各二口匏二柄柏廿把小竹
 廿株徑各二分 長八尺 宮主一人卜部五人明衣料布
 三端三丈六尺其日卜部各着明衣其一人執
 御麻二人執荒世二人執和世二人執壺宮主
 史生神部等左右分頭前行中臣官人之次御
 麻次之ヤマトカウチノ東西文部次之各執 横刀荒世次之和世次
 之並着木 綿鬘 宮内輔若無輔 丞替之 陳列御麻等物候延
 政門外大舍人叫門闈司問阿誰大舍人答云

宮内省輔姓名御麻奏登 御門候闈司傳奏如
 常輔入就版奏云宮内省申久 御麻進止 神祇
 官姓名御門候止 申退出喚中臣稱唯率文部
 四國卜部入宮主在其中 候宜陽殿南頭縫殿寮先
 以荒世和世御服率女孺入 內侍縫司掌
 以上供之 傳取令藏人供奉訖縫殿寮退出荒世賜 卜部和
 世賜宮主 次中臣捧御麻進就版敕曰泰來稱唯就
 階下中臣女簡氏女堪 於殿上轉取供奉訖授

中臣還本處即授卜部一人令向祓所輔更入
 奏曰宮内省申久御贖物進止神祇官姓名大
 和河内乃忌部四國乃卜部等率天候止申退
 出喚中臣稱唯東文部捧横刀入就版敕曰泰
 來稱唯就階下轉授中臣女取奉御畢退出次
 西文部進退如前儀次中臣率官主卜部執荒
 世者就階下置於席上掃部寮敷席於階下維
 宮主披荒世授中臣中臣取授中臣女即執量

御體惣五度訖宮主取祝訖授後取卜部官主
 取埴授中臣中臣轉授中臣女執奉御訖退授
 中臣轉授宮主宮主取祝訖授後取卜部荒世
 事畢退出次中臣引和世進退如荒世儀其荒
 世者賜卜部和世者賜宮主訖皆退出解除河
 上但中宮中臣祐以上東宮准此若不足捧御
 麻入候職司令内侍啓中臣女奉御麻御贖其
 奉荒世和世亦准此東宮坊司入啓訖出喚中

臣稱唯捧麻進就庭中令云叅來稱唯升自南階奉訖退出令向後所亦中臣率官主卜部進置荒世和世於席上中臣升階轉授中臣女奉之餘如供御儀其荒世和世者縫殿寮預置階下席上命婦率女孺取奉訖却安席上縫殿寮退出如初荒世賜卜部和世賜官主

大祓儀

六月十二月並同但臨時大祓者不令申刀禰數扎直令進

其日午四刻神祇宮內縫殿等官省寮候延政

門外百官會集祓處先此神祇官陳祓物於朱雀

雀門前路南

分置六處但馬在其南方北向

所司設座於朱雀

門并東西仗舍大臣以下五位以上壇上東方

西北上重行南階東第一間為四位以下階第

二間為參議已上階其女官亦在同壇上西方

隔以斑幔

開西一扉從北出入

外記官吏中務式部兵部

三省東仗舍西面北上彈正西仗舍東面北上

祝詞座在路南西座前置軾布未一刻外記已

下各就座自餘諸司屯立東仗舍東頭于時式
兵二省省掌以起上座就左座舍女東官頭亦
唱就計座刀稱式部先唱訖彈正忠命疏亦令
喚臺掌疏稱唯仰史生喚臺掌史生稱唯喚臺
掌二聲臺掌稱唯出西舍前北向而立忠命云
置版臺掌稱唯退出臺掌捧版進置之舍前東
丈當忠次三省掌列趨置版舍前西去三丈柳
前北向東去六尺式部版訖退出立舍南式部版東去六尺兵部版

更出召計諸司諸衛式部先召訖式部丞目錄
云令喚省掌錄稱唯仰史生云喚省掌史生稱
唯喚省掌二聲省掌稱唯次兵部次中務亦如
之訖三省省掌共列就版式部丞命云司司
刀稱數札早速令申式部省掌稱唯次兵部次
中務亦如之訖三省省掌共列趨出式部省掌引
列文官人別持刀就式部版貫首者申云司司
申久刀稱數札進止申丞命進禮諸司共稱唯

中分各授最後者惣執疊札置於錄前還就本
 列錄讀申札數云司司申留刀禡數札若干枚
 申給止申丞命云縱諸司共稱唯趨出兵部次
 中務亦如之三省勘目錄訖候御麻既到挿後
 稻于時辨大夫并三省輔各一人一列官吏及
 三省丞錄一列趨左庭中五位已上前列辨大
 夫申云大袂處再黍集讀曰末為字古那波禮留刀禡數申
 給止申次式部錄申目錄次兵部次中務三省

申畢大臣宣云常乃任再任令袂辨已下共稱
 唯五位已上先稱六位已下後稱下同訖依次退復本座式部令
 喚省掌如前兵部亦同二省省掌各就版式部
 丞命云刀禡令黍進省掌稱唯兵部亦同二省
 省掌還趨左本列式部省掌云刀禡黍進米兵
 部亦同外記以下起座降左東舍南頭式兵二
 省丞錄引文武官刀禡列左西面彈正忠疏降
 立舍南頭東面左定神祇官頒切麻參議已上
 史五佐已

上史生女官并諸司神部訖中臣趨就座讀祝詞稱聞食刀禰皆稱唯被畢行大麻次禊五位已上切麻既而散去

九月十一日奉伊勢大神宮幣儀

前四日外記錄王氏五位已上四人歷名封之令神祇官卜五世者神祇官卜畢注合否進外記執之於大臣前開封令覽訖喚卜食者仰之亦告神祇官其日昧爽掃部寮於八省院小安

殿東第三間中央鋪御座東面其後東壁下鋪

置幣葉薦豐受宮幣在南大神宮幣在北西第一間北壁外置

簀一枚第二間鋪裏幣葉薦其左右鋪長席為

幣者第三間北壁下鋪內侍座其南少東鋪長

疊為闡司等座東廊鋪參議已上座西面北廊鋪少

納言辨座南面其西少後鋪外記史座其後鋪

史生官掌座南面平日內藏寮官人一人率藏

部二人將幣物候內侍以下四人從大內出裏

備官人執置業薦上中務錄率省掌入置版於
 小安殿東南庭自小安殿東南廉斜去二丈二尺向乾置版是為前版也又斜去一尺更東北去四尺乘輿御殿座敕喚舍人
 向乾置版是為後版也
 二聲舍人四人共稱唯少納言代入後敕喚中
 臣忌部少納言稱唯退出云喚中臣忌部共稱
 唯入各就版中臣就前版後執者一人以一人忌部就後版
 隨忌部入立敕忌部忝來忌部稱唯升殿跪拍
 手四段先執豐受宮幣授後執大神宮幣拍手如元

卷中上

自持復版每執幣拍手一段訖敕中臣忝來中臣稱唯
 升殿跪侍敕好申天奉禮中臣稱唯復版訖相
 引還出先忌部次後執者次中臣少間乘輿還宮蹕而不警
 即日使等從神祇官發向廿日使等就内侍復
 命
 奏御卜儀
 神祇官預申官官頒告諸司若有犯土者具記
 移送神祇官六月一日十二月亦同祭卜庭神二座

料物色目在神祇式中臣二人折卜宮主一人折卜部八人

並著明衣始自朔日十日以前卜了テ奏聞其日

平日主殿寮樹幔於殿庭東西掃部寮立大臣

床子一脚於殿上御座東南去敷簀一枚於版

位前神祇伯以下宮內輔無輔即令持奏文納

塗函安候延政門外於是神祇副若祐以奏案

進大臣升殿大舍人叫門闈司問云阿誰大舍

人答云御卜事申給止宮內省官姓名輔丞御

門再候不闈司進就版奏云御卜事申給止宮

內省乃官姓名叫門故再申敕曰令奏闈司傳

宣云姓名乎令申大舍人稱唯傳宣宮內輔就

版奏云宮內省申久御體詞云於御卜供奉禮

事申給止神祇官姓名候止申敕曰喚之稱唯

退喚之伯稱唯與副若祐必備中昇案安庭中

簀上俱立敕曰將叅來伯稱唯共昇案安殿上

簀子敷上中臣官便留就版自餘退出內侍取

奏文奉覽畢敕曰叅來中臣稱唯升立殿上簀
 子敷披上奏案微聲奏之大臣披奏敕曰依奏
 行之大臣稱唯次中臣官稱唯退出次大臣退
 出闈司二人入自左腋門外殿撤案簀上退出
 神祇官入昇案而出其大臣奏案者
 讓國儀約太政官曹司

天皇預去本官百官從遷於御在所前三日遣
 固諸關使造敕符官符木契及當日平旦太政

官召式部省仰可令集會乃稱之狀大臣召內
 記令作讓位宣命訖先以草案就內侍奉覽若
可損益者據返賜大臣復本所令書黃紙有於
 書杖祇候式部置親王以下行立版中務置宣
 命版於尋常版北諸衛服中儀主殿寮御興候
 便所式部計引百官人於南門外參議以上皇
 帝御南內侍臨喚大臣大臣稱唯執宣命文及
 定堪宣命參議已上付內侍執之奉覽大臣立

候階下皇太子出坊入就殿上座次大臣亦升
 就座左右近衛將曹各一人率近衛各二人開
 南門大臣喚舍人及親王已下叅入等儀如常
 親王以下五位以上列門外立定大臣喚宣命大夫
 授宣命文受之下殿暫立便所待大臣下殿
 臣下同階就庭中列爰宣命大夫進就版皇太
 子起座而立宣命大夫宣制曰明神止大八洲
 國所知天皇我御命良万詔賜大命乎親王等

王等臣等百官乃人等天下公民衆聞食止宣
 親王已下稱唯再拜云臨時宣命大臣以下
 稱唯舞訖宣命大夫還就本列次親王已下退
 出次中務丞叅入取版退出近衛閉門訖今帝
 下自南階去階一許丈拜舞訖步行歸列內侍
 持筭劔追從所司供奉御輿皇帝辭而不駕衛
 陣警蹕少納言一人率大舍人等持傳國璽櫃
 追從次少納言一人率大舍人闈司等持鈴印

鑰等進於今上御所次近衛少將率近衛等持
供御雜器進同所訖今上御春宮坊諸衛警蹕
侍衛如常

天皇即位儀

前十日大臣預點殿上侍從四人

三位二人或以親王為之

四位二人並左右各一人

少納言二人

左右各一人

前四日式部

丞錄率史生省掌等進八省院立標并習禮前
二日所司宣攝內外各供其職一如元會儀前

一日整設太極殿當日諸衛服大儀各勒所部

立大儀仗於殿庭左右及諸門門部四人居於

章德興禮兩門東西也

各用胡床

左右中將仗供奉

御前即陣東西階下兵衛挾龍尾道而陣中務

率內舍人陣近仗南內藏大舍人寮等各執威

儀物東西相分列於殿庭主殿圖書兩寮各服

禮服列爐東西寅一刻兵部丞錄率史生省掌

等左右相分入自章德興禮兩門共至龍尾道

上檢校左右兵庫寮所樹諸幡諸衛儀仗等式
 部丞錄率史生省掌等左右相分入自長樂永
 嘉兩門就應天門左右閣道壇上座錄二人率
 史生省掌等分到朱雀門東西仗舍前儀式立
 北面東西上整列六位以下刀禡于時彈正忠以下
 出自朱雀門西腋門左右分列左度自馳道於
 東西仗舍前紉彈禮儀及帶仗非違等訖入自
 東西腋門列立翔鸞棲鳳兩樓南頭東西面紉
 北面上

彈如常典儀一人贊者二人自光範門各就位
 大臣以下自含耀章義兩門就朝集堂床大臣
 參議以上在東親王以下非參議三位以式部
 上在西若太政大臣就列者右大臣就西丞錄以下起自閣道座降立砌前去砌二丈許
 右東上北面史生二人各持大策共立庭中唱計五
 位以上隨唱稱唯列立訖內辨大臣入自昭訓
 門就幄下座內記執位記管置大臣前扒退出
 大臣喚式兵兩省賜應叙者簿又喚兩省輔丞

賜位記管輔丞出自昭訓門更經昌福堂南西

趨置案上退出式部便出東廊北腋門兵部西

北腋門出于時外辨大臣喚召使稱唯進立大臣宣

喚兵部召使稱唯退出兩度喚之丞錄進立大

臣宣令擊裝了鼓丞稱唯退出令擊外辨鼓諸

門以次應之殿下鼓不應乃開章德興禮兩門伴佐

伯兩氏各一人左伴氏右佐伯氏不帶劍者權帶各著五位禮

服率門部三人不帶弓箭入自章德興禮兩門居會

昌門內左右廂胡床門部坐於門下辰一刻皇

帝出自建禮門御太極殿後房女孺十八人執

翳三行就戶前座為上寒帳命婦二人威儀內

命婦四人各著禮服相分為以次就座侍從四

人帶劍相分共立次少納言二人分入自昭訓光

範兩門對立兩氏降壇北向立門下門部開門

諸門共開各還本位兵庫頭進申內辨大臣云

令擊召刀禰鼓大臣宣令擊頭稱唯擊之諸門

鼓皆應參議以上依次降堂就列參入諸仗及
 內舍人兩氏共立省掌二人趨進互稱大夫等
 應參進各一聲五位已上依次自會昌門東西
 戶參入錄二人立門外互稱容止立定式部錄
 率六位已下刀禡左右相分自同門在內列丞
 省掌行且稱容止以次就位親王入自顯親門
 就位訖式部史生左右相分錄諸司六位刀禡
 見參爰式兵兩省掌率應叙人左右相分參入

列立皇帝服冕服即高座命婦四人分在御前
 至高座下立御座定命婦引還時殿下擊鉦三
 下其儀鼓吹正申大臣云令擊褰御帳二九女
 孺執翳左右分進奉翳命婦二人褰御帳復本
 座女孺還本座宸儀初見執仗者俱稱警式部
 錄以下省掌已上共稱面伏群官磬折諸仗坐
 主殿圖書各二人以次東西就爐燒香訖典儀
 曰再拜贊者秉傳王公百官再拜訖宣命大夫

進自位就宣命位宣制云明神止大八洲國所知天皇詔良万宣敕乎衆聞食止宣群官共稱唯再拜掛畏岐明神坐天皇我云云宣群官稱唯再拜然皇止大坐氏天下治賜君波賢人乃云宣群官稱唯再拜舞蹈再拜武官俱並振施稱萬歲其聲不拜舞待宣命大夫退復本列而止式部就案下喚授位記兵部亦如之訖被叙親王以下左列再拜舞蹈曲儀曰再拜贊者

兼傳群官俱再拜群官謂百官及被叙之人訖殿上侍從進當御前傍行數步北折進跪膝行數步稱禮畢膝行却退乃左傍行還如初進儀復本位殿下擊鉦三下其儀鼓吹正申大臣云令擊垂御帳鉦大臣宣令擊正稱唯召鼓師令擊之二九女孺奉翳二人命婦垂御帳皇帝還入後房命婦女孺復本座閣内大臣令槌退鼓其儀鼓吹正申大臣云令槌退出刀禰鼓者諸門鼓大臣宣令槌正稱唯召鼓師令槌之皆應親王以下百官俱自上而罷槌退鼓群官且罷不待諸

門鼓應但被叙親王已下百官同自會昌門
行列親王退出顯親門殿上者侍從先罷次少
納言次執翳威儀此間式部兵部兩省入自東廊
儀褰帳等入

北腋門撤位記管掃部寮亦入自同門撤机兩
氏閉門諸衛叩鉦解陣

立皇后儀

前一日太政官召式部省仰可令集會刀禰之
狀當日早朝中務省置宣命版於尋常版北式
部丞錄率史生省掌等於建禮門前庭東西相

分列立刀禰于時閣内大臣喚舍人如常親王

以下應召左右相分五位已上在兼明門
外六位已下在同門

式部錄稱容止如常訖宣命大夫進就版宣

制其詞曰天皇大命良万敕大命乎親王等

百官人等天下公民衆聞食止宣食國天下政

波獨知倍物再不有必母斯理倍乃政有倍自

古行來留事皇后定天閻中乃政波成物止奈

常毛所聞者行須故是以其色其位某乎皇后

止定賜布故此狀乎悟而供奉止敕天皇御命

乎衆聞食止宣訖各退出後日早朝外記召式

部省仰可令集會刀禰之狀上時刻親王以下叅

入五位以上在北中門外于時内侍一人進宣

云云五位以上六位以下稱唯拜舞退出

立皇太子儀

前一日太政官召式部省仰可令會集刀禰之

狀上當日早旦式部丞錄率史生省掌等於建禮

門前庭左右相分列立刀禰爰中務丞執版叅

入置紫宸殿前庭退出訖所司開閣門親王以

下應召左右相分五位以上在兼明門内錄

稱容止如常立定宣命大夫進就版宣制曰天

皇詔旨敕命乎親王諸臣百官人等天下公民

衆聞食止宣隨法再可有伎政止志其親王立

而皇太子止定賜布故此之狀悟天百官人等

仕奉禮詔天皇敕命乎衆聞食宣訖宣命大夫

復本位皇太子進拜舞而退次親王以下退出

[Faint bleed-through text from the reverse side of the page]

儀式卷第六

元正受朝賀儀

元日御豐樂院儀

禮服儀

正月二日朝拜皇后儀

二日拜賀皇太子儀

上卯日獻御杖儀

元正朝賀儀

大臣預點

十二月十三日

殿上侍從四人

三人

或以親王為之四位
二人並左右各一人

少納言左右各一人

若有關者

權奏賀奏瑞各一人

簡四 典儀一人

用

四位並奏聞定之前四日式部丞錄率史生省
五位掌等進八省院立標并習禮令持丈并繩等之類前二日
所司宣攝內外各供其儀前一日裝飾於太極
殿敷高御座以錦高御座南并東西壇上敷以
兩面不至東西壁各二鋪六幅布單於軒廊鋪
二幅兩面於其上自小安殿屬高御座以備御
步人不敢踏兩面邊布單聽張斑幔於高御座
後左右也設皇后座於東幔之後鋪褰帳內親

王座於高御座東西二丈當南頭鋪威儀命婦
座於褰帳內親王座後一丈五尺更北折五尺
以南為上侍從立於南廂第二間以北為上執
翳者座於東西戶前少納言位氈於南榮當第
一第二楹間並左右相對內匠兵庫兩寮率工
部鼓吹戶等當殿中階南去十五丈四尺樹銅
鳥幢東樹日像幢次朱雀旗次青龍旗此旗當殿東頭
楹下玄武旗銅鳥幢西樹月像幢次白虎旗次
當西頭楹

玄武旗

相去各二許丈與蒼龍白虎兩樓南端平頭

昭訓門外北掖

設皇太子次

坊官率屬官并所司

自同門內南廊第一間

壇下西去四丈設同幄自幄東去八尺設傳座

去三尺大夫座差退二重侍從座

重別並西面

北上自皇太子幄南去一許丈更東退四尺設

內辨大臣幄

幄南懸鉦鼓北鉦南鼓

幄東砌下西向鋪外

記史座左近衛陣邊鋪內記座次裝飾小安殿

以布部十一枚為南榮屏殿內鋪葉薦上加調

席上加下鋪御帖八枚上立五尺床上加錦端

御帖左右立五尺屏風四帖後立四尺屏風一

帖中務置皇太子版於中階南十丈南去二丈

置奏賀版自奏賀位東去二丈置皇太子謁者

版

以坊大夫為謁者自此南去二丈更東折一丈雙置

奏賀奏瑞行立版

奏賀在西奏瑞在東相去一丈五尺

自中階南

去三丈更東折二丈置皇太子謁者版

太子外殿之間

祇候之位南去三丈置詔使版自中階南去十二丈

西折與奏賀位相對置典儀版差西南退置贊
 者版自中階南去十丈對設火爐相去六丈訖式部
 錄率史生省掌等置版位六十二枚卅一枚正
位卅一枚
 應位但位多少自龍尾道南頭去十七丈中庭
 者當時定之
 置宣命版東折二丈五尺更南去四丈太政大
 臣版無其人
不置南去左大臣版南去大納言版南
 去中納言版三位參議及王四位
參議少退在此列南去四位參
 議版南去王四位五位版南去臣四位版南去

五位版三南去六位版二南去七位版二南去
 八位版二南去初位版二南去無位版二相去
各一
 丈三 自宣命位西折二丈五尺敵太政大臣版
 置親王版南去右大臣版若無太政大臣
者立左大臣左南去
 非參議一位二位版南去非參議三位版南去
 奏賀瑞版與四位參
議相當南去王四位五位版南去
 臣四位版南去五位版三南去六位版二南去
 七位版二南去八位版二南去初位版二南去

無位版二

相去同上若有蕃客者置治部玄蕃客位版於左右五位版位間其位次

治部玄蕃在東客位在西當日丑一刻掃部寮設式部輔以

下省掌以上座於式部西門訖輔以下依次就

座五位以上就版受點寅一刻兵部丞錄率史

生省掌等左右相分入自章德興禮兩門共至

龍尾道上檢校兵庫寮所樹日月像幢鉦鼓諸

衛府儀仗列陣等事中務省擊動鼓令裝束大

少輔並着淺紫襖金銀裝腰帶橫刀靴策着幟

父丞并內舍人皂綾緋襖挂甲白布帶橫刀弓

箭麻鞋鉦鼓師禮冠皂綾緋大袖袍綠襖大帶

白練袴布襪禮舄擔丁皂縵頭巾皂綾緋末額

緋大纓袍白布帶袴布脛纏纏脚結非訖輔以

下就廳事座史生二人各持內舍人簿分立廳

南庭東西階下東持正負簿西持權補簿北面唱計內舍人

各稱唯寅二刻左右近衛府共始擊動鼓三度

度別平聲九下諸衛依次相應裝束近衛大將

謂權任也

著武禮冠淺紫襖錦兩襠將軍帶

飾以金銀金

裝橫刀靴策著幟中將武禮冠深緋襖錦兩

襠將軍帶金裝橫刀靴策著幟少將武禮冠

淺緋襖錦兩襠將軍帶金裝橫刀靴策著幟文

供奉御輿少將皂

將監將曹並皂綾深綠襖錦

兩襠白布帶橫刀弓箭緋脛巾麻鞋府生近衛

並皂綾深綠襖挂甲白布帶橫刀弓箭白布脛

巾麻鞋

近衛加緋末額

兵衛督著武禮冠深緋襖錦兩

襠將軍帶金裝橫刀靴策著幟佐武禮冠緋

襖錦兩襠將軍帶金裝橫刀靴策著幟文尉志

並皂綾深綠襖

志緋

錦兩襠白布帶橫刀弓箭

緋脛巾麻鞋府生兵衛並皂綾緋襖挂甲白布

帶橫刀弓箭白布脛巾麻鞋

兵衛加末額

衛門府生

以上並同兵衛府門部同兵衛衛士皂綾末額

挑染布衫挂甲白布帶橫刀弓箭白布脛巾麻

鞋卯一刻兵庫昭訓門內大臣幄西南去一丈

立鉦南去一丈立鼓鉦加角槌二柄鼓木槌二柄並有箕簾下皆准此

長一人用寮頭者朝服下皆准此擊人各一人着平巾冠漆

開緋大袖袍綠襖大帶長五尺廣四寸以布為心以帛為表裏其二端

各着細帶長各五尺大口帛袷袴白布襪烏舄執夫四人

着皂纓頭巾皂綾末額緋大纓袍白布帶長八尺廣

四寸四重為疊白布袴緋布脛巾白布脛纏准此次

會昌門外東去九丈自廊南去五丈立鉦南去

一丈立鼓長一人若擊人各一人執夫四次

應天門東樓自西南角壇以西相去一丈立鼓

以北相去六尺立鉦長一人以屬擊人執夫同

上次朱雀門內東去十丈自壇北去七丈立鉦

北去一丈立鼓長一人以屬擊人執夫亦同

上卯一刻近衛府擊列陣鼓一度平聲九下諸

衛以次相應三刻擊進陣鼓三度度別九下初發

細聲漸至大仗初進擊行鼓三度度別雙聲二下諸

衛相應如前皆就隊下左右近衛中將率將監

以下隊於太極殿東西階下自階南去三丈更

對謂權任者大少將率將監以下隊於蒼龍白虎兩

樓北邊若有蕃客朝拜者隊於龍尾龍像燾幡

一旒加戰其抗預前執燾執戟各四人兵衛准此鷹

像幡四旒小幡卅二旒緋黃各廿一旒並鉦鼓

各一面蘆餘亦准此擊人各一人執夫四人諸衛

皆將監率將曹以下隊於殿以北後殿南並居

胡床少將已上胡床各虎若豹皮其供奉駕陣者乘輿御小

安殿之後乃就本隊亦同左右兵衛督佐率尉

以下隊於龍尾道東西階下自階南去三丈各

外佐在內若蕃客朝拜者隊於會昌門內外虎像燾幡一旒熊像幡

四旒小幡九十六旒鉦鼓各一面尉率志以下

隊於昭慶門內左右小幡各十八旒志率兵衛

以上隊於嘉喜永福等門內左右衛門府督率

尉以下隊於會昌門外左右若蕃客朝拜者鷹

像燾幡一旒加戰執燾十六人執戟四人鷹像幡

二旒小幡卅九旒鉦鼓各一面佐率尉以下隊
 於應天門外左右隊幡四旒小幡卅五旒尉率
 門部三人居門內開門畢還本陣尉率志以下隊於朱
 雀門外隊幡二旒小幡卅八旒志一人率門部
 五人居門內開門畢還同上自朱雀門外至于教業豐
 財兩坊小路衛士隊之尉率衛士以上隊於宣
 政章善兩門小幡四旒志率衛士以上隊於諸
 掖門隼人司官人二人史生二人率大衣二人

番上隼人卅人今來隼人卅人白丁隼人一百
 卅二人分陣應天門外之左右並執楯槍坐胡
 床其史生已上著當色橫刀大衣并番上隼人
 著當色橫刀白赤木綿耳形鬘自餘隼人皆著
 大橫布衫襟袖著兩面襖布袴著兩面襖緋帛肩巾橫刀白
 赤木綿耳形鬘中務省擊進鼓輔丞各二人相
 分率內舍人入自永陽廣義兩門隊於近衛陣
 以南各居胡床其輔胡床以虎皮敷兕纛幡二旒左纛與青龍旗

相連相去六丈與此近
仗燾平頭右燾准此
鈺鼓各二面並有篋擊人

各二人執夫八人執燾八人式部丞錄率史生

省掌等左右相分入自長樂永嘉兩門就應天

門左右閣道壇上座所司預錄二人率史生省

掌分列朱雀門東西仗舍前北面東整列六位

以下刀禡彈正忠以下出自朱雀門西掖門左

右分列左度自馳道於東西仗舍前在東者西

西者東紉彈禮儀及帶仗非違等若有犯人式

面北上紉彈部不教正直

不彈訖入自東西掖門列立翔鸞棲鳳兩樓南

頭面位紉入自長樂永嘉兩門列立東西朝

集堂南頭以內紉典儀一人贊者二人入自光

範門各就位大舍人寮左右相分各官人二人

史生一人率執威儀屏繖一具圓翳十具圓羽

十柄橫羽八柄弓八張箭八具各有太刀八口

捍四竿杖二枝如意二枝蠅拂二枝笠二枚挂

甲一領弓以下並非注可為經文自此以下書

注蠅拂二枚筮等納袋圓翳已下分為兩行其
 屏繳立兩行首挂甲袋立兩行尾官人立屏繳
 側執威儀物舍人左右各六十人自此以下入
可書注
 自昭訓光範兩門陳列近衛陣以北一丈與燾
 平頭內藏寮允屬各一人大藏省丞錄各一人
 各率執威儀柳管藏部八人列立在大舍人北
面東西去一
丈內藏在東大藏在
西納錦囊懸頸抱肩次掃部寮官人左右各
 人各率執胡床掃部五人列立次主殿寮官人

亦各一人率殿部十一人著黃袍列立二寮與內
藏大藏平
 頭主殿圖書兩寮各服禮服列爐東西去爐各
 三尺兩寮東西各二人第一一人當
爐左以北為上相去各五尺卯三刻以前
 諸儀辨備訖閣外大臣以下入自舍耀章義兩
 門就朝集堂床大臣以下參議以上在東親王
以下非參議三位以上及奏賀
奏瑞在西若太政大臣
就列者右大臣就西訖式部丞錄以下起自
 閣道座降立砌前去砌二許丈左西上
北面右東上北面史生二
 人各持大札共立庭中唱計五位已上隨唱稱

唯列立訖，史生共復本列爰閣內，大臣入自昭
 訓門就幄下，座時閣外，大臣喚召使稱唯進立
當堂西中階大臣宣喚兵部省召使稱唯退出
北面而立喚之丞入立，大臣宣令擊外辨鼓丞稱唯退出
 令擊之，諸門皆應之。殿下鼓乃開章德興禮兩
 門，自餘小門訖，伴佐伯兩氏五位各一人，左伴
先已開佐伯氏不帶，各著禮服率門部三人，不帶入自
劍者權帶章德興禮兩門居會昌門內左右，廂胡床，門部
在門

下去壇一文當辰一刻乘輿出自建禮門御太
門北楹侍候

極殿後房，少時皇后亦入後房，自此以下左右
 近衛次將各一人率將監將曹府生各一人近
 衛各卅人左右，兵衛尉已上各一人率志府生
 各一人兵衛各卅人更還，自此以下皆可書訖
 女孺十八人執翳，三行就戶前座，以南裏帳內
 親王二人，若無內親王者以三位已威儀命婦
 四人，以三位已下五位已上為之各著禮服相
各以一人同色相對以南為上

分以次就座侍從四人若不帶劔者權帶以相
分共立次少納言二人分入自昭訓光範兩門
對立壇上伴佐伯兩氏五位降壇北向立門下
門部開門諸門共開訖各還本位兵庫寮進申
閣内大臣云令擊召刀禰鼓大臣宣令擊頭稱
唯退喚鼓師名鼓師稱唯頭命云擊喚刀禰鼓
鼓師稱唯擊之訖復本位諸門鼓皆應皇太子
始著幄下座參議以上依次降堂就列而入諸

九三

仗及内舍人伴佐伯兩氏共立下亦同之省掌二人
趨進互稱大夫等應叅進各一聲五位以上依
次自會昌門東西戶叅入錄二人立門外互稱
容止五位已上立定在朱雀門外式部錄率六
位已下刀禰左右相分入自同門在内列丞錄隨之而入
省掌行且稱容止以次就位親王入自顯親門
若有蕃客者治部丞蕃就位訖式部史生左右
相次引客入自會昌門就位訖式部史生左右
相分錄諸司六位刀禰見叅于時東官謁者引

九四

皇太子出幄進至青龍旗下西折而進至銅烏
 日像兩幢之間謁者北折進當奏賀位東折就
 位皇太子折進至銅烏幢下北折就位凡每曲折必揖
 諸臣亦同皇帝服冕服就高御座命婦四人以內親王以下
 五位以上為之服禮服分在御前至御座下立
 御座定引還更供奉皇于時殿下擊鉦三下皇
 后服禮服後就座初皇帝御高御座之時執翳
 女孺左右各九人分進奉翳不待皇訖內親王

二人褰御帳復本座執翳以次退復本座宸儀
 初見近仗者俱稱警庭中群官磬折式部錄并
 省掌重稱面伏諸仗共坐主殿圖書官人各二
 人以次出東西就爐下生炭焚香主殿先生炭圖書次焚香
 訖各復位典儀曰再拜皇太子再拜質者不兼傳為貴皇
 太子訖謁者西進更北上當東宮位任北進二許
 丈更西折當中階引皇太子進不至階下三許
 丈更折就位皇太子升自中階當御座前北面

跪於南榮賀曰新年乃新月乃新日再萬福乎
 持黍來支拜供奉止良久申俛伏而興降階四級
 謁者進引皇太子復位太子再拜于時敕喚左
 右侍從在南者名喚名之儀稱唯進自南榮當
 御座前跪膝行進俛伏而侍皇太子跪處詔曰新年
 乃新月乃新日再與天地共再萬福乎平久久
久受賜禮止宣侍從奉敕稱唯俛伏而興降自東
 階就詔使位西面宣制云天皇我詔旨良万宣止

布大命聞賜止宣皇太子稱唯再拜訖更宣新
 年乃新月乃新日再與天地共再萬福乎平久
久受賜禮止宣皇太子稱唯拜舞侍從還上殿
 比至階下曲儀曰再拜皇太子再拜謁者進引
 皇太子復幄比及青龍旗下曲儀曰再拜贊者
 兼傳王公百官再拜訖奏賀奏瑞者奏賀在前而行自宣
命位南去一許丈渡共進諸仗共興北折進自馳道
馳道若帶劔者權脫不至宣命位一丈東折經左兵衛陣南更北折

昇自龍尾道東階就行立位有頃奏賀者進就
 版北面立奏曰明神止御大八洲日本根子天
 皇我朝廷再仕奉流親王等王等臣等百官人
 等天下百姓衆諸新年乃新月乃新日再與天
 地共再萬福乎持叅來天皇我朝廷乎拜仕奉
 事乎恐美恐美申賜止申若皇帝加元服在賀
 退復位群官再拜奏瑞者若無瑞者進位奏曰
 治部卿位姓名等申止其官位姓名等我所申

其物顧野王我符瑞圖曰云云孫氏我瑞應圖
 曰云云我此乎瑞再甚再其物波其瑞再合利
 其禮瑞再合利申世事乎恐美恐美奏賜久申
 退復位敕曰叅來奏賀者稱唯就位敕曰供奉
 親王等王等臣等百官人等天下百姓衆諸新
 年乃新月乃新日再與天地共再萬福乎平久
 久久受賜禮宣奉敕稱唯退復行立位俱逡巡
 還退出奏賀者便留宣命位奏瑞者復本列訖

奏賀者宣制曰明神止御大八洲日本根子天
皇我詔旨良万宣布大命乎衆聞食與宣王公
百官稱唯再拜訖更宣云供奉親王等王等臣
等百官人等天下百姓衆諸新年乃新月乃新
日再與天地共再萬福乎平久長久受賜禮敕止
天皇我詔旨乎衆聞食與宣王公百官共稱唯
拜舞武官俱立振旗稱萬歲其聲不拜舞待宣
命者退復本列而止曲儀曰再拜贊者兼傳群

官再拜訖左侍從在南者進當御前跪膝行俛
伏曰禮畢還復位兵庫頭進申大臣云令擊垂
御帳鉦大臣宣令擊頭稱唯退喚鉦師名稱唯
頭命云擊垂御帳鉦鉦師稱唯擊之三下復本
列奉翳垂帳訖復本處皇帝入後房皇后還入
如出儀兵庫頭進申大臣云擊退刀禰鼓大臣
宣令擊頭稱唯退喚鼓師名稱唯頭命云
擊退刀禰鼓鼓師稱唯擊之訖復位諸門鼓皆

應上下群官罷

罷次少納言次執翳威儀褰帳等

自上罷槌退鼓群官且罷不待諸門鼓止應又殿上者侍從先

遷御豐樂殿

元日御豐樂院儀

前一日內匠寮官人率雜工等構立御斗帳於

豐樂殿高御座上立軟障臺九基於高御座東

西五基高御座東西四間一基當西一戶立三基立殿西二間

清暑堂東西

張調布為蓋代其下設御座當日昧旦中務錄

率史生省掌等殿南七丈七尺置宣命版南去

一丈置尋常版掃部寮敷御座於高御座殿西

第二間南面設皇后座東西第二間西面設皇

太子座第三四間差南去設親王以下參議以

上座南北顯陽羨歡兩堂設次侍從以上座東

面北造酒司率酒部等東廊南二三間安參議

以上酒臺顯陽羨歡兩堂北五間楹外安次侍從以上酒臺若有蕃客惣設顯陽堂

訖內膳司預辦供皇帝皇后御饌主膳監供皇

太子饌大膳職設次侍從以上饌置菓子雜餅等類飯羹及

諸雜味御坐之後皇帝受群臣賀訖遷御清暑堂

少時御豐樂殿皇后出御亦如常儀諸衛服上

儀皆不樹器仗御座定內侍臨東檻喚大臣若無

大臣者參議以上得之大臣稱唯到左近衛陣西頭謝座

升自東階着座次皇太子升自同階到座東西

面謝座謝酒着座所司開豐樂儀鸞兩門未開

門之前掃部寮鋪闈司座於逢春門左右每有奏事

云用此儀若無奏事不須他皆做此兩門開訖闈司二人出自青

綺門坐分坐逢春門南北大舍人詣門外叫門

曰御曆乎中務省官姓名等謂輔候門止申闈司

辭以叫門故替闈司就位奏敕曰令申闈司復

位傳宣云姓名等乎令申舍人稱唯中務率陰

陽寮舉置曆之批入自逢春門立庭中退出輔

以上一人留奏進其詞曰中務省奏久陰陽寮

供奉禮其年七曜御曆進良久申賜止奏無敕

親王任卿者以進禮良久乎恐美毛詞替進良久乎他皆做此奏事者出闈司

共進舉机升殿東階安南榮即降立階下西内

侍置奉覽訖返置机上御所留闈司升昇机安本

所還就户内位内豎入自逢春門持机出授陰

陽寮次大舍人叫門闈司就版奏曰水樣進止牟

宮内省官姓名叫門故再申敕曰令申闈司傳

宣省丞以下史生以上與主水司官人以下共

執水樣又與太宰使同執腹赤御贄輔相扶入

自同門共安庭中退出輔一人留就位奏曰宮

内省申久主水司乃今年収水并若干室厚若

千寸以下若干寸以上益自去年若干室減自

去年若干室供奉禮車又太宰府進禮腹赤御

贄長若干尺進良久乎申賜止申無敕答訖退出即

膳部水部等入自兼秋門取水樣腹赤御贄退

出大臣喚舍人二聲舍人稱唯逢春門外少納言替

入自逢春門就版而立大臣宣喚侍從少納言

稱唯出自儀鸞門喚之親王以下五位以上稱
唯親王以下參議以上一列入自同門東戶五
位以上東西相分入自東西戶參議以上後親
王五許丈四位
五位參議七許丈其參議以上行列之間一許丈比入門
間三許丈四位五位行列之間一許丈
衛仗共起而親王以下五位以上東西相分親
王
以下參議以立庭中異位重行東列以西
為上西列以東為上立定
上共就東列
大臣宣侍座共稱唯謝座訖造酒正把空盞便
用
殿上者來授貫首者共跪訖更却二三許丈北
受授
酒盞

面而立群官謝酒訖受還以次外就座五位以
上見參議以上兩三人外殿不待參議
之外畢共東西
相分就座諸仗共坐少時所司各著
當色益供御饌
一度十人左右
各五人用西階近仗共起供饌訖
並坐皇太子及上
下群臣起座主膳監益供皇太子饌訖大膳職
益賜五位以上饌入自堂後賜之但外殿者
膳夫酒部等入自東廊先
是酒部各八人各起立酒樽下此皆選內豎者
當色者而為之
又官內大膳大炊造酒賜群臣饌訖行酒者把
等主典以上同得外殿

盃賜升殿者相續賜不升殿者觴行一周吉野
國栖於儀鸞門外奏歌笛獻御贄若有蕃客不須訖奏
大歌或時有敕止掃部寮安立歌座治部雅樂
省寮率工人等奏入奏歌若有蕃客不須訖退出及宴
將終內藏縫殿兩寮分入延明門置納被櫃於
庭中內記進宣命文於大臣外記進見奏侍從
夾名大臣進宣命及見奏文內侍轉取奉覽訖
大臣擇堪宣命參議以上一人授之宣命文受

復本座即皇太子起座次親王以下下殿東階
自左近陣南去三丈更西折一丈西面北上兩
堂五位以上待親王以下兩三人下殿相應共
下各立堂前東西面進自堂前即宣命大夫降
自同階就版宣制云天皇我詔旨良万宣大命
子衆諸聞食與宣皇太子先稱唯次親王以下
共稱唯皇太子先再拜次親王以下再拜訖更
宣云今日波正月朔日乃豐樂聞食須日再在

又時毛寒再依氏御被賜久宣若雨雪者時寒

布流皇太子先稱唯次親王以下俱稱唯訖皇

太子先拜舞次親王以下亦拜舞訖著座中務

大少輔執札相分入延明門大輔北扉少輔南扉各立櫃

東西頭內侍先取御被賜皇太子先皇太子再

拜下自東階中務兩輔唱名賜之親王以下一

一再拜經顯陽堂南出自延明門賜群臣祿訖

所司以所餘物進於內侍即於殿上女史唱名

賜內命婦等賜見於殿上賜命婦等饌若是日當

上卯未喚群臣已前令獻御杖訖還宮若經三日風雨

不止者雖不受朝猶有宴饗

禮服制

天子衮冕十二章牙笏皇后擣衣皇太子衮冕

九章牙笏親王四品已上冠者漆地金裝水精

三顆琥碧三顆青玉五顆交居冠頂以白玉八

顆立櫛形上以緝玉廿顆立前後押鬢上其徽

者立額上一品青龍尾上頭下右出左顧二品
 朱雀右出左顧三品白虎尾末卷頭下右顧四
 品玄武為地所纏右出左顧立王者有莖并座
居王者有座無莖
 並衣者深紫牙笏條帶深綠紗褶錦襪烏皮烏
 佩綬諸王諸臣一位冠者漆地金裝以琥珀五
 王佩綠玉六顆但王二位三位綠碧五顆赤玉五
 顆赤黑玉三顆白玉三顆顆白玉一顆臣二位綠玉五
 交居冠頂以黑玉八顆臣一位立
 櫛形上以綠玉十顆立前後押鬢上衣以下同

親王二位三位冠者漆地金裝以琥珀五顆綠
 玉五顆白玉一顆交居冠頂以朱玉八顆立櫛
 形上衣者淺紫牙笏以下同上四位漆地緞形
 櫛形押鬢玉座皆金裝自餘銀裝以琥珀五顆
 綠玉六顆交居冠頂以白玉十顆立前押鬢上
 青玉十顆立後押鬢上立櫛形上衣以下同
 三位臣四位其諸王徽者鳳三位以上正位正
 立仰頭從位正立低頭正四位上階左出右向

下階右出左向從四位上階左出右顧下階右
 出左顧諸臣微者麟自餘皆准諸王內親王四
 品以上寶髻每品各有別制深紫衣蕙芳紫紕帶淺綠
 褶蕙芳染淺紫綠纈裙錦裙襪綠鳥飾以金銀女王
 一位寶髻五位已上每位及階各有別制內命婦准此深紫衣五位
 已上皆淺紫衣自餘准內命婦唯褶同內親王
 內命婦一位寶髻深紫衣蕙芳深紫紕帶淺縹
 褶蕙芳深淺紫綠纈裙錦襪綠鳥飾以金銀三位已

上淺紫衣蕙芳淺紫褶淺綠纈裙自餘並准一
 位四位深緋衣淺紫深綠紕帶烏鳥飾以銀五位
 淺緋衣淺紫淺綠紕帶自餘皆准上

正月二日朝拜皇后儀

當日早朝掃部寮設式部省輔已下座於縫殿
 寮東道史生已上東面北上省掌北面東上設彈正弼已下座於
 同寮側近便處式部輔以下進就座五位以上
 就版受點錄一人率史生省掌置版位自玄暉

門壇東端北去一丈五尺東置典儀位西北去
 四尺東折三尺置贊者位用錄自同門東扉北去
 一丈置職大夫位北去六尺立親王標次太政
 大臣標次大臣標次大納言標次中納言標散
 位及王四位參議在此列次四位參議標次王四位五位標
 次臣四位標次五位標次六位標二次七位標
 二次八位標二次初位標二次無位標二相去各六
 尺已刻省丞已下列立於寮南道南面西上于時史

生執簿唱列五位以上隨唱稱唯列立同道南
 邊先是參議已上省掌趨進云大夫等參進二
 聲五位已上以次參入錄立朔平門內稱容止列立玄暉
 門外南面西上次丞錄率六位以下刀禰入列立五
 位之後省掌且稱容止次彈正忠以下在式部次立定
 時典儀云再拜贊者兼傳親王以下再拜訖職
 大夫出就版位賀壽者進自列南向稱壽詞見元日
 式復列職大夫參入令內侍啓即參入奉令旨

退出傳宣大夫退出就位宣令旨親王及群臣
稱唯拜訖大夫參入曲儀曰再拜贊者兼傳王
公百官再拜訖以次退出

同日拜賀皇太子儀

當日后宮禮畢掃部寮設式部輔已下座於監
物曹司東道設彈正弼已下座於大膳職便處
式部錄率史生入自西門立標自寢殿南階中
南去一丈東折七尺立太政大臣標南去立左

大臣標南去立大納言標南去立中納言標

參議及王四位南去立四位參議標南去立王

參議在此列四位五位標南去立臣四位標南去立五位標

二相去各自同階中西折七尺當太政大臣標

立親王標南去立右大臣標南去立散一位二

位標南去立散三位標四位參議者可南去一

丈二尺立王四位五位標南去立臣四位標南

去立五位標二相去自各第一五位標東折三

丈立掌儀標東去三尺南折三尺立贊者用省錄

標二相去四尺訖式部輔已下省掌已上率五

位已上六位已下列立南門左右左西上北面右東上北面

彈正忠已下列立同門左右左西面北上右東面北上于時

開門省丞錄史生分頭東西播笏執版參入各

置標下退出次省掌二人執六位已下版置於

外門屏幔東西端訖掌儀帥贊者參入就位于

時皇太子著御座坊亮升西階向東北立親王

以下五位已上次參入就位省掌二人立門外左右互稱容止

次省丞錄史生省掌相分左右引六位已下就

門外位立定皇太子起立御座後掌儀云再拜

贊者兼傳群官內外俱再拜賀壽者出自列升

自西階東面跪稱壽稱詞如元日內裏儀但不注年月訖復本

位群官俱拜皇太子召亮稱唯東面跪奉令旨

降自西階至于南階西東面宣令旨云訖群

官拜舞皇太子著御座亮復位掌儀云再拜贊

者兼傳群官再拜訖以次退出亮亦退出訖掌儀帥贊者退出省丞錄史生如初叅入執版退出

上卯日進御杖儀

其日早旦所司裝飾紫宸殿近仗服中儀服皇太子叅入內裏坊官率舍人四人舍人監預撰定容貌端正者舉御杖案隨之皇帝御紫宸殿坊官大夫以下四人舁案皇太子相扶入自日華門外自南

階安篋子數上退出內侍轉取奉覽訖坊官就內侍司請案大舍人寮頭以下率舍人左右兵衛府督已下率兵衛各執御杖一束候養明門外左右近衛將曹各一人各率近衛八人開門五人各開門三人各開掖門訖還本陣左右兵衛開建禮門訖引還闈司二人出自紫宸殿西分居養明門內左右掃部寮預設座大舍人叫門如常闈司進就版奏云御杖進止大舍人寮官姓名等謂五位已上若無五

任位權等 候門等 申敕曰令奏闈司傳宣云姓名等
 乎 令申掃部寮入立案於殿庭尋常版東西大
 舍人寮先入奏進其詞曰大舍人寮申久正月
 乃上卯日乃御杖仕奉氏進良久申給波久申
 若親王奏以進禮樂詞代進良久詞久乎詞又其下加恐美恐毛詞敕曰置之屬已
 上共稱唯隨次相傳置案上畢即退出其杖曾
 波木二東比比良木棗牟保許挑梅各六東已上
 為二株燒椿十六東皮椿四東黑木八東已上四株為東

次左右兵衛府入奏進敕曰置之醫師已上共
 稱唯退出其杖楨櫃三東一株為木瓜三東比比
 良木三東牟保許三東黑木三東桃木三東梅
 木二東已上二株椿木六東四株為內藏寮允已下
 史生已上若寮官人數少入自日華門舉安御
 杖之案退出上

